

35

30

25

20

15

10

星巖集

丙集

土

津田文庫

文庫1

1685

6





星巖丙集卷八

美濃 梁 緯 公圖

文庫

夷白盦集

一起壬辰十二月
盡癸巳六月

十二月望日賃宅於八丁溝貧甚作五絕句以

自戲

維鵠有巢占日遷長鬚落後細君先視之寒益更容易
琴袋書囊共一肩

為牛為馬廿年強人盡誰能無得喪今早新居占中位
東烏西兔正相望

已辨鹽鹽又酒樽一空誰看阮孚囊先生私畜青錢百

擬買梅花煖屋房

瓶能守口即吾師，冷煖人情只默知。
肯比西川杜工部，嗔他不寄草堂貲。

遊蹤歷歷幾山川，破費弓鞋也可憐。
又是旅庖煙不得，脫君裙衩扳君鉗。

二十七日曉起微雪方霽，頗覺有春意，喜而賦長句。

曉簷散罷豆稽灰，閒就爐紅煖一盃。白髮不公催，早東風有力破寒來。
魚吹嫩影池心日，雀喚生香屋角梅。
何限殷憂掃無跡，笑顏旋復逐春開。

除夕

故去新來送，且迎百年此夕太忙生。爐頭淺酌聊成醉，
卧聽江江歲市聲。

早春感興二首

湖城風雪海城霞，千里間關路更賒。有室有家無所托，
為華為梗又天涯。報春百舌山中鳥，帶雨一枝牆角花。
景物不殊鄉土異，年年作客泣年華。

官街車馬鬧春風，富貴槐窠幻夢中。千首便當輕萬戶，
一竿何肯換三公。樽前汎灑搖重碧，燈下團團簇小紅。
卉上輸贏幾時了，從他六赤漫爭功。

春初小雨八韻

卷氏堂課題
蕭遠

雨聲初應候苔色稍回春冰釋魚將躍煙籠柳欲顰澁濛連遠郭霏霖接平津未著一簷綠已沈三市塵賞深茅屋士慙渥麥村民細滴宜微醉流膏認至仁陽和從此始景象逐時新且約尋芳日重來墊角巾

春寒

枕上詩成聊獨吟甕頭酒熟且孤斟梅花已好猶慵出為怕春寒帶故陰

二月五日同石田伯孝諸子看梅於東郊偶得

長句十韻

二

東風有信不可緩凌晨結伴迹新晴斷橋流水連茅舍水姿粲粲隔籬明世外佳人誰敢近巢由高致夷齊清雖然痛飲讀騷非無例未害小酣嚼寒共豈知紈袴亦慕此林下鋪筵飛巨觥衰絲豪竹助氣勢百川一吸笑長鯨嗚呼彼也所慕翹生耳眼中惟存盃與鑺得非欲借梅花文飲名有似小冠掩偏盲吾輩平生怯蕉葉半瓢殘酒僅肩輕暮歸餘香吹兩袖彎環春月隱西城
雨後夜坐始聞蚯蚓鳴悄坐空廂欲二更澹雲微月影闌明也知連雨潤膏足今夜壤蟲初有聲

戲題梅花莊四首

瞧得閒錢家不負枝南枝北一般春糟糠陂裏林和靖
也與梅花作主人

槎枒屈曲古苔封喚做花中老卧龍糲得心肝皆鍊鑄
亦隨時世試春容

夷白盦春日雜興九首

細路迂而曲幽居靜不喧草生將礙屐竹折自支門當
燭夜燃帶替丁春灌園百年如此耳出處復何論
餘寒慵出戶肅兀坐將穿紅滴匏尊酒青疎土銼烟安
便真得地索寘豈非天只合靜窓下著書收暮年

寒雲散故陰麗景入新吟雙蝶回風起孤花隱葉深人
情多冷煖在路足升沈已報賣浮燈一尊聊可斟
曉來春氣暖微雨入荒園芍藥拆新甲幕苔回舊痕廟
堂今有策吾輩復何言喜值中和節群生共沐恩
雖然門巷冷纔出便紛華柳色通侯邸歌聲賣酒家風
生馳白馬塵櫟走香車誰見一瓢小酌泉澆病花
浮壺榮華念都無一縷牽吟詩閑境界縱酒散神仙穀
雨牡丹候清明風鶴天春光隨分在占得意裊然
日長過客少紫戶信風開密樹花迷蝶幽階鳥啄苔吟
殘且高枕睡足便呼杯夕飲是常例半簾斜照來

吾舍殊岑寂誰家最有情思詩劉夜坐度曲囀春鶯對燭閒孤影隨風送悵聲歌終吟未了殘月破窓明夫君四十五老去奈春何百草色同嬾衆禽聲共和煙花豈不好意興已無多島綠搖風影依然墨水波

自題衣繙小影十二首有引

余二十年前祝髮禪衣宛然一杜多此寫其真係之以小詩若干首亦惟筆墨游戲聊自遣爾且面前尚不辨烏之嶠雄又何懇懃求後人果驗白哉然或有念吾詩而合十焉者此影即賈島佛亦余之所不辯也時天保癸巳佛滅度日

水月即心詩即禪衣香扇影斷情緣平生凡百輸人了一事差贏白樂天

未憒人前話葛藤且稱無本是詩僧細刪綺語夜深坐

一陣冷風吹蠟燈

東坊化畢又西坊擎重鉢孟雙手香

日暮歸來餘粒在

池邊小立餚魚王

躍然風骨宛貧縑雲水千重枝一枚莫怪尚餘脂粉氣也曾乞食到歌姬

刮骨詩成雙淚垂長江主簿是吾師無人共訂佛邊可百八明珠衣裏知

碣石山人一軸詩當年尚且少人知後來忽漫多香火
縱是如來也蹙眉

牛江以下算恒沙衣鉢相傳能幾家瘦影依稀吾亦拜
宛如夢裏見梅花余家舊藏明人畫賈閔仙敲句圖一幘

一炷清香柏宇煙掩門趺坐書蕭然兩家至竟同風格
貧是詩人病是禪

曾拋羣屐著僧裝脫了僧裝又幾霜猶夢當年行樂地
綠尊紅妓紫遊轤

夢中寫夢幾曾真欲把容華問紫珍勿勿而今頭已白
鏡心爭照少時春

麻衣布帽草鞋兒湯興圖成見舊姿笑殺龐眉老居士
窮邊添箇小沙彌

本來面目太分明呼佛呼魔盡強名一幅畫圖人一古
塵沙劫外認前生

永代橋曉望

曉氣沉橋景模糊兩岸家微風寒料峭急鶻響啞鴉高
館松嵌月長隄霧隱花東鳥殊未翥已曳半蓑霞

睡起

睡起幽窓日已斜閒呼砂鼎瀉靈芽晚風林下茶苦馨
吹落山茶帶病花

閒中偶詠

幽庭不掃草如煙，無事迢迢畫抵年。
社燕初來貧巷雨，春城已過杏花天。
餘生經卷藥爐畔，舊夢旗亭歌板邊。
清晏人誰重言論，等閑老却杜樊川。

東叢山看花五絕句

錄

山前山後一齊開，衰鬚尋春能幾回。
衰扇衰成年少樣，不教花笑老僧來。
戀惜風華未擬回，生憎鐘磬苦相催。
一輪紅日萬枝雪，併被山僧敲落來。

墨田川舟中賞春

半落半開花可憐，非晴非雨澹沱天。
平河一道水如練，羨酒千鍾人欲仙。
鷗夢不離芳草渡，歌聲多在夕陽船。
湏從橋下湖洄去，聞說長隄春更妍。

過水東有感

槁邊楊柳綠藏鴉，廿載風光感鬓華。
不問校書何處去，掃眉才子也無家。

春末書懷

年華荏苒去如馳，寥落江湖酒一卮。
試問文游半歸土，爭教雙鬢不成絲。
池邊芳草夢何處，風裏楊花春片時。
洗盡街塵雨纔霽，擔頭已叫賣鉛錘。

午睡起書所見

身閒起卧總安便，例被啼鶯破懶眠。
一片風花帶胡蝶，夕陽吹影落床前。

食鉛錘魚有感

梁生梁生汝之命薄如紙，而齒頰之福太厚矣。已厭金
山赤縣火海鯽，更飲琵琶湖。玄鯽定河鯉，今春江府花漸
殘。杜宇聲聲啼不已，鉛錘又落夢想間。異味不湏占食
指，豫備一囊買命錢。果然頭魚來上市，手忙腳忙喜欲
顛。鑿刀斫膾香流齒，君不見蕭老公貴到天子尚餓死。
吾出鄉關三十年，薄遊何止八千里。風酸霜苦幸無恙，
偶然耳。

薪水

薪水尋常事自煩，賣文能有幾錢存。
無端更被閑風月，破我惺囊沽一尊。

立夏後三日偶出遊墨田川

單衫初試太輕盈，偶出聊為川上行。
芳草一隄春色老，綠陰十里午風清。
透衣粉蝶飛，花影穿耳紅鵝裂竹聲。
好買扁舟，換鞋篋歸來及取夕陽明。

賴承緒西歸賦長句以為贊

鵑啼催得發征車，留滯江城兩歲餘。
曾擬承歡為德逸，豈圖泣血是皋魚。
乃翁擬東遊，承緒修辭。既而翁病卒，愁邊新樹客衣冷。望裏白雲親舍虛，行到琵琶湖畔知君吊影重。
歎歎承緒之東也。翁送至湖上一別，遂成永訣。

夏晝閒詠

拏笙石枕與閒宜，政是清和雨霽時。
野服猶留胡蝶粉，山厨已送杜鵑卮。
煙繁金博香消早，人到華胥夢醒遲。
庭院深沉畫偏永，綠陰如水滴風帷。

雜句五首

錄

檀櫟繞屋綠雲低，欲賽山陰王大樓。
今曉厨娘語言好，

拏龍頭角已掀泥，
閒展殘書枕上看。午槐圓影落欄干，惟來吹氣乍薰滿。
黃熟石盆魚子蘭。

雨餘庭草綠將迷，螳也睢盱何處棲。
幽咽一蟬驚出樹，殘聲曳過夕陽西。

午食燒筍招同密上人留談竟日賦此以貽

濛隱雨氣近黃梅，屐齒痕稀長逕苔。
笑哭先生燒筍待，騰騰和尚出山來。
五燈會元洛京福先寺仁鑑禪貓頭師放曠郊野謂之騰騰和尚。
啾罷話千劫，塵尾揮餘茶一梧。
不有高緇能曉事，老夫懷抱向誰開。

題林良水禽圖二十韻

畫水非水水神氣畫禽非禽禽性情畫工之功一至此
能與造化為抗衡想其心苦銷磨幾歲月何止數葉山
岳撐又想泚毫欲寫時高視今古皆狹嬰風水展開三
百頃群飛散落戲夕晴或徙禪雙立或彳亍單行或在
沙眠在梁曝又有沿岸咂浮萍鷺鷗我知其犁湖鷁鵠
我知其交睛鷗也知樅鷺也目成鷁鷁鷁鷁各自呼名
咬咬有似機杼響軋軋或雜柔艣鳴君不見洛長昔曾
通鳥語良乎乃妙畫鳥聲我知良平滿腹是禽禽我兩
俱化不然安能得其如此筆筆精我在城市困塵土對

此橫圖眼輭明古絹皴裂鯽魚口墨氣猶溼水煙熒却
記全家寓湖日三板船頭酒一罌蘋花風冷釣絲裊蒲
葉雨疎蓑袂輕圖中禽鳥喚呼急禽乎我擬尋舊盟吁
嗟蝸角名蠅頭利役人日日太忙生歸歟歸歟汝曹盍
同去五湖煙水有誰爭

煙花戲二首

人工奪得化工權頃刻春風花滿天絕似山中修煉士
丹飛汞走不成仙
晴夜南山一道雷迸星塵落半空來中庭踞得胡床穩
喚做吾家觀象臺

不忍池觀蓮

山緇苦報道雲錦已交加聊挈腥人酒來看君子花曉
風偏澹蕩午影半欹斜幽賞何云已留連到夕霞

秋近

雷不成聲時復雨短竿衣曝夕陽風池塘一片涼秋意
已在荷香柳影中

星巖丙集卷八

星巖丙集卷九

美濃 梁 繼 公圖

夷白盦集二

起癸巳七月盡甲午二月

戲贈賣蟲人

纖腔各自奏清商蟋蟀琵琶紡績娘能縮郊墟來入市
人間復見費長房

立秋後二夕

雨餘溝水碧澄澄盛出玻瓈月半移雲影未沉殘火氣
蛩聲已作早涼徵齊紈從此悲班氏吳膾何年飽季鷹
且欲招同二三子庄床夜話剪秋燈

且於此蟋蟀三首

洗出簷端月半輪，雨餘爽氣一番新。
老慵又廢琴樽賞，寒率飛來喫殺人。

流韻悠揚徹夜清，此聲豈是不平鳴。
貧家籬落飽風露，也勝金盆裏盛。
屈伸雙股當戈矛，善戰由來無匹儔。
莫話半閒堂上夢，西風白鴈不勝秋。

牽牛花

幽香和露滿疎芭，細蔓結成青一窠。
半夢眞簾秋太淺，餘潛委地曉偏多。
蟲語淋冷疑有雨，月華閃澹欲無波。

莫怪朝朝延頸望天孫，消息隔長河。

星夕戲作

曉露啼殘又一秋，也應雲錦織離愁。
若教羿婦奔牛者，能學人間蕙子不。

七月九日源士錦見訪，遂相携汎墨田川酒中

話舊

萍蹤同泛木蘭橈，豈料天涯見久要。
萬事不回成往夢，一尊對酌又今朝。
受風蘆葉碧掀舞，借酒面皮紅上潮。
莫倚船窓弄斜景，分明照出悵蕭蕭。

夜歸舟中三首

涼月當灘碎，有聲簾波一道白。分明何來荷氣吹，仙夢小水晶宮影裏行。

蘆稍細露觸，萬飛薄醉初醒。怯葛衣冉冉，歌聲來不遠。
也知妓舫趁涼歸。

燈影紛紛枕上來，兩邊樓戶映流光。舟人巧避夜潮上，尋得支溝取路回。

中元夜書事三首

一年燈事屬蘭盆，燈下游嬉人簇。只是無形看不見，也應燈下鬼成群。

歌吹聲中彩暈圓，煌煌只慣照華筵。誰家戶隙窓間影，

分到徐吾夜績邊。

寶炬萬星光滿城，貧家惟此舊燈檠。却憐一片如冰月，照我茅簷到五更。

悼亡，二首代大槐士廣

留得歲蕤雙鎖，在軟香溫玉化為塵。空思行雨巫山暮，一瞥驚鴻洛水春。知已未全無武子，多情祇合似安仁。庭階草沒履綦跡，腸斷鸚哥猶喚人。
一龕香火首楞嚴，但覺淚絲衣上添。艷骨也應苦漠漠，愁眉何在月纖纖。霧吹燈影夜無夢，風約雨聲秋在簷。錦瑟如人人不見，從他蟲網盡情緘。

八月朔風雨紀事四首

錄

誰令箕伯肆威權，把箇大鑪來鼓扇。
豈啻屋簷掀舞去，路頭人盡肉飛仙。

水戶藤田老臺臨江樓，參議公見臨賜咏月國
風一章，老臺賦詩謝恩。今遙次高韵以呈寄。

月懸大圓鏡，一照破羣魔。從見高明意，湛如滄海波。
士林皆仰望，農畝亦謳歌。聞說江樓上，清光秋最多。

中秋無月士錦期而不至

誰共清吟把一盃，暮陰黯澹鎖亭臺。故人與月同羞澀，
拍遍欄干喚不來。

夜將半，雲破月來重賦寄士錦。
午夜殘雲一綫開，敕厨火急具罇罍。果然清影落吟席，
惆悵月來人不來。

寓言

風塵冉冉鬢成絲，擬服金丹悔已遲。靜坐林香誦招隱，
一簾黃雨桂花時。

心越禪師詩為山本德甫賦。德甫傳師之琴法，
者以九月晦為師之忌辰，設香火招拜友各彈一曲，歲以為例。

師名興，唐自號東臯心越，其字俗姓蔣氏，浙江金華府人。生明崇禎己卯及長，祝願為僧，至清

康熙丙辰歸化，留錫於京師。水戶黃門義公聞其名，召見於江戶。邱後命住常之天德寺。以元祐乙亥九月晦日，齋法臘五十七歲矣。師修道之餘，以文筆書畫自娛，最好琴，善之。其在江戶，從游者十數輩。吾邦禁流至今不絕者，實以師之傳也。

萬里東來壞色單，庭闈何在海漫漫。
敢嗟異域賞音少，自把幽憂隨處彈。師有思親引一闋，其詞曰：白雲不共海東齊，東海上茫茫。望轉迷終日，思親人不知。一日思親十二時。水逝雲流時改換，天涯地老骨凋殘。
百年不絕廣陵散，暮雨秋堂絃索寒。

爐頭

萬瓦晨霜氣太冷，爐頭兀兀學癡蠅。
不知一幅楓梨錦，纖到西山第幾稜。

憑高望闕中形勢

剗風驅雨洗教清，表裏山河眼底明。
天勢穹窿圍大野，人煙匝匝繞重城。
西浮嶽雪千秋色，東注鯨波萬里聲。
函嶺碓冰遙掎拗，也知用嶮要防成。

枯菊

賞心人孰似，紫棄礲礪空。
乾滿面黃，更繞霜庭看。一匝
憐渠傲骨死，猶香。

十月望前一夕，石田伯孝觴客其堂。會者九人。
分風清月白如此良夜，何為韵岡本省翁得清。
狀野碧海得此，安積思順得良稱。垣木公得夜。

塩田士鄂得月大久保學海得何江藤子西得
如主人伯孝得風余得白

石叟好文兼好客忽遣長鬚致尺幅東坡壁遊丁明夕
欲延諸公闌高跡只恐陰官來相斥朝霞暮雨細量格
與其遲緩寧急迫請十今宵陳脯腊其言老實非戲嘲
天意人意叟先獲詣門已聞笑亞亞省翁以下皆名碩
果然雲銷見娥魄玉宇晶晶流金液孤影彌高興彌勦
飛觥如織紛狼藉我聞孔子百觚由也嗑嗑尚能檜累
百吾戶雖然小而窄逢場敢辭文長戟呼嗟浮生入古
竟何益且湏尊前達吾適不顧勲名垂竹帛不顧強弓

惡馬走入南山斃白額只願長為醉鄉伯以天為幕地
為席王新車庾大宅我知不如陶彭澤千黃金雙白璧
我知不如滿懷春拍拍快哉有酒海翻有巖山岸客況
乃合座賓朋皆莫逆茲遊殆欲賽前昔翻笑坡翁太乞
索何必湏江流有聲斷岸千尺方始口噴噴一輪月大
滿堂白

鬪雀山茶圖

五山堂課題

簷角熹微日欲晡寒葩文影照庭蕪不知雀豹爭何事
蹋碎殷紅大寶珠

沙村暮歸途中口占

草樹迎冬氣盡凋，斜陽影冷路迢迢。
青苔紅葉寺前寺，淺水枯蘆橋外橋。
酒薄也醺人，窮窄風吹欲倒馬。
飄蕭有由重把吟脾煖，一片高旗出竹招。

題子成畫毫川夜景圖

老友賴子成以去秋下在向有坡梅兒者資性慧便
每同入讌集輒來助歡近聞亦已從良今觀此圖山
水依然而景中之人一存一亡並不可復見也撫卷
悵焉題句其尾時癸巳孟冬下完

依稀風景夢相牽，隄月橋燈曲岸煙。
名士已僊美人嫁，畫圖空對舊山川。

一林未兩月不得家弟消息

錄四

朝望復暮望，但見江風順。百十七回潮，回回無汝信。

冬日雜句八首

錄四

畏寒頭角縮，於蝎衰到今年。衰更加曝背，向陽窓下坐。
霜津如雨滴，簷牙把。他月路放開來。

誰道吾樓低且小，芙蓉當面雪姿寒。老留一副看，山眼
又趁霜晴倚竹欄。

朝餐飽喫江東飯，隕擣風來屋。欲穿想見稍頭尚遺散。

一毬滾到階前

檆宇林君翡翠蘭軒集分體得七律

高門大宅屹勾連，松竹堂深別有天。奕葉儒宗人勝玉，
一時才望客如仙。春風括酒笑談際，詩句梅花冰雪前。
忘却孟郊寒骨相，叨陪竟日聖華筵。

暮歸所見

北風獵獵向黃昏，燈影初明小市門。要使人腸熱如火，
店頭新賣鴛鴦鮓。

唐花草堂課題

一枝未遞江南信，驚怪嬌紅入眼新。咄咄花兒有機智，

偷他搊杏隔年春

雲

誰言出處本無心，也見依依戀故岑。巖樹欲迷寒翠歷，
江波不動影深沈。一聲吹裂老蛟笛，半幅薄於貧士衾。
東北庶氓多菜色，待君遙去化甘霖。今歲秋穀不登，冀羽諸州民大飢。
只合山中啗芋頭。

李泌二首

白衣今在黃衣側，一品位尊仍道官。借問恩沾雙顆味，
何如嶽寺老僧殘。

豈不能稱敬輿美應無意，救魯公囚十年宰相成何事。
只合山中啗芋頭。

雜言十首

錄六

多岐事出治無驗秦漢獎風傳至今五帝三王非異術
只施仁澤買民心

六經以外事紛如哆參何心誇五車君看當年稱輔弼
皋陶稷契讀何書

秦火焚餘書尚多朝茲暮誦等閒過更無一個真儒者
惟放韓生識益軒
善惡固皆真性情退之三等論公平頭巾氣習何其褊
未可全然廢荀卿

孔夫子蓋罕言利微意須尋千歲前大道生財人不問
細心只計水衡錢
由來宴晏毒於酙卮食彫盤瓊瑣簪一利不如除一害
可知耶律用心深

元日

一盞酴醿甘讓先東風吹到鷺鷥邊不才幸脫龍蛇瓦
無事頻添犬馬年比戶豪奢疑盡國列侯鹵簿似朝天
且扶春醉憑高望海日三竿萬瓦煙

霞闌曉望和犬豕子韻

習習東風度古闕憑鞍一望一開顏金霞乍閃海天曙
歷歷安房二總山

梅花絕句三首

超然風骨玉槎枒，紫俗紅凡枉自誇。
誰道乾坤不相黨，盡傾清氣向梅花。

古梅

半身苦蝕半枯花，發稀疎也太癯。
猶有清香滿天地，兒曹休咲老型模。

春草

狂風掃蕩一齊休，又值春暉心亂抽。
漫地煙籠香漠漠，及時雨足綠油油。
公田每恐遭逋廝，要路何曾免踐蹂。
惟向邱原幽穸上，脚跟直下壓骷髏。

讀岐亭餘響題其後

有引

冠山老侯嘗拉某遊小梅村，時正月二十日也。因用東坡岐亭之韻唱酬，滿百篇。後某哀成編，命曰岐亭餘響。既而侯捐館舍，某亦相踵皆逝矣。吾友大槐士廣與侯有舊，近過村墅，得所謂岐亭餘響者，而歸以示余。余於侯雖未曾接聲，啖亦慕其風裁，者久矣，遂壘原韻題卷尾。

殘梅花雨擁蘿門，好似東坡遊處。村往事情誰描，夢影循牆。有客檢詩痕，空餘舊逕。莓苔綠無復，春風笑語溫。聞道年時寒食路，隔溪啼鳥聽亡魂。

春興六言絕句二首

紙帳蒲團鍊藥梅塊詩夢臘明懶沿例呼醒一兩三
聲曉鶯

豈不惜花柳春足慵蹠軟紅塵共導先生閑戶自稱坐
性道人

星巖丙集卷九

星巖丙集卷十 美濃 梁 碩 公圖

餘燼集

起甲午十二月盡十月

火災紀事八首

錄四

烈燄湧臾欲滿城爆聲相和警鐘聲天跳地踔渾閒事
只恐三光不復明

東阡纏燠又南陌火氣薰旬殊未銷何暇心情管春事
百花生日是今朝

復見風車駕火牛豈惟爛額與焦頭大燒三次小無算
不盡坤靈何肯休

樓臺滿地化為灰，看到生靈殊可哀。風雨連朝寒食近，幾家新祭亦之推。

飛星篇

二月十二天昏澁，一星東奔爛。有光林木盡明禽驚起，殘尾曳素丈餘長。星乎星乎何所舍？突如其来其占凶。吁嗟星乎尚且無所舍，何況下土之措大屋廬林蕩盡。風食而露卧，朝復朝夜復夜。

灾後就某侯邱中借一小舍，詩以紀事，二首。

餘燼炎炎氣未沉，破箱殘簾倩誰尋。打頭纔借一間屋，焦尾煎亡三尺渠。象焚來緣有窟池，魚災及或無心。

驚慌稍定首重圓，殆是人間小劫灰。數掩籬先添竹，補

半弓地未乞蔬，裁室惺不易容雙膝。市遠無由沽一榦，

幸有小窓明，近水金龍山色送青來。

咏史絕句三首

燕寢香銷蝶血腥，等閑抉目倚門高。子胥若把包胥比，一哭風雲賽怒濤。

帷幄功高金鑄像，縱令長啄也恩優。如何不盡計然計，一棹五湖鯰菜舟。

苧羅溪水嘉禾路，廻首春風已弊絅。脫使夷光住三歲，

湖邊重築語兒亭陸廣微吳地記嘉禾縣南一百里有差西施子路與范蠡賈通三年始達於吳遂生一子至此亭其子一歲能言曰名語兒亭

花影次加藩致堂老臺韻

似真如幻且紛紛滿地春風見藻文間逐夕陽來繡砌乍和草色上羅裙依稀秦水機中錦鬢歸高唐賦裏雲却想多情張子野微吟待月到宵分

有懷洛北溪山之勝目作水墨小圖係以二十

八字

一壑松聲夢迴牽故人誰與買山錢龍鍾老去無成事我已征塵三十年

題王海仙畫鯉魚圖二首

海仙貌取赤鱒公王字摹成併見工，鷺鷀淀江城下過健鱗金躍水車風

夾岸桃花影亦嬌閒吹錦浪且逍遙勸君莫作飛騰念一閨春雷尾已燒

初謁華頂王恭賦小詩五章以呈下執事錄尋常月下琴三弄九十春中酒一尊眇道是閒閒不徹又懷詩卷造王門

滿座詞臣各詠春風花如雪滾香塵吁嗟此老才思拙不抵梁園客右人

奉和 華頂王看落花有感之什

玉樹東風吹得新，東風吹得又成塵。
從知杏上昇沉事，只在蒼蒼不在人。

食松魚

鶴啼夏木躁扶疎，正是鉛錘入市初。
劫火歷來能不死，天留饑口喫頭魚。

過田家食新麪曰戲作

銀絲十丈卷漚沱，風味竟知田舍多。
不把一丸蘿菔火，小姑懊惱奈君何。

戲詠茄子二首

候雨連畦膏欲流，桑葉早已見懸疣。
南史蔡撙為吳興守齋前自種白莧紫虧以為常餌詔褒其清此際園丁承共收措大
貪餓非一日老成風味待三秋。有時穀饑緣何事去作人間孺子牛。

南風薰得太彭亨，採擣待君充割烹。
萬里崑崙歸老圃，一盤苜蓿笑先生。
筍奴菌妾休輕罵，羊酪牛酥豈強名。
曾向天台叅著火，至今圓頂最分明。

訪慊堂老人隱居

溪回路轉入松筠，滿地青苔不見塵。
園僅百弓幽意足，只緣中有讀書人。

新竹二首

簌簌纔聞風解擇，離離已報放梢來。除非繙帙眼長合，今日為君開一回。

粉竿弄影漾晴漪，風雨豪吟事可期。蟲意不知靈氣在，化龍枝上網絲垂。

華頂王賜道服副以叢藻一章恭紀
袞褒併忝又何加，野客風儀始見華。三幅疊成玄水浪，一重襯出赤城霞。榮多翁子畫披錦恩過武甄春插花亦有芳心向軒曜，不應小草漫抽芽。

贈卷致遠致遠以書優待於華頂王叢辱吐

只言母茵之愛，
張旭由來草聖傳。從他醉後語尤顛，雲煙一紙何其貴。
博得王宮萬斛泉。

夜坐

無復飛鼯來嚼人，暮風如水灑衣巾。子規有底不平事，啼仄林端月半輪。

木侯子仁將歸彥禰來告別，目賦此兼寄諸舊友。
江風湖月思迢迢，話到尊鱸魂欲消。城裏訶人誰不故，請君報道尚蓬飄。

題梅闌畫子成水西莊圖

正是水明山默初一尊坐酌舊曾儲溪翁恰有荷色贈
不恨架無西漢書子成居常以東山落照之時命酌遂名其亭曰山默水明處又嫌京酒太甜多藏伊丹名醞

甜多藏伊丹名醞

雨露夜坐感舊而作

屋角天光雨洗開更憐餘濕在幕苔流螢非鬼當墻滅
明月如人出樹來老我吟呻空度夜共誰言笑且啞盃
記曾竹下對嵇阮聲絕醉嵬呼不回

書桐葉寄溪琴山人

只言君共秋風至已見秋風入井桐落盡井桐君未至

手拈桐葉立秋風

高子遠畫江山秋露圖

江雲低黯澹江雨忽滂沱誰遣西風來淨掃秋水半奩
鏡已磨雨外數峯青欲滴巧匀濃黛暈脩蛾一鳥飛邊
山更靜縈迴路斷石盤陀誰氏茅堂門不掩長松樹古
挂煙蘿瀟灑龐眉老扁舟掠岸莎頗似天隨子又疑張
志和人間何處有此輩江上樂人服芰荷嗟我胡為在
塵塲車輪馬足不堪多道人胷宇江海濶為寫千頃白
鷗波異時結隣圖中住青箬編笠蘋纖蓑我且欲賡小
海唱脚叩兩舷君其歌

園中二首

錄一

蝶衣已怯曉風涼，園卉番番次第香。
金鳳玉簪纖麗耳，喚醒巖客壯秋光。

梅龕君宅食香魚鮓有感

包裹不須荷葉圓，速郵附得矢離弦。
豈知千里故溪品，來上高堂文酒筵。
倜儻敢云天下士，汗漫要是水中仙。
尊前低首請君會，思遠秋風烏鬼船。

寓樓雜吟十六首

錄十

樓窓對面是三緣，山樹梢高弗暮煙。
新月澹黃光不沒，依微還照鵲巢邊。

三語為掾豈敢能，一言悟主亦何曾。
百年贏得閒無事，吟對茅檐雨裏燈。

往往晨炊兼午炊，正緣困蝶夢醒遲。
貧居省事率如此，一飯畧支終日饑。

人生不用貴薰天，只把黃金買笑筵。
直到渾頭生白髮，冷歌緩舞一年年。

誰道皇天雨露偏，草芽一寸也能全。
丁丁斧響白雲裏，得作長松不盡年。

晝閒無客欵紫局，香爇輕煙一縷青。
手把殘書成偶睡，秋簷疎竹雨冥冥。

玉宇瓊樓十二欄似聞高處也多寒春風不入道人手
只把冰照仔細彈

曾無賈傅三條策可有曇摩四卷經千首詩成人不買
高聲吟與鳥魚聽

寒雨疎疏滅瓦聲燈前細聽到三更記曾借宿靈源寺
竹筍分泉入甕鳴

眼前風景逐東流何怪青年易白頭蟋蟀聲乾霜已緊
一林紅葉冷颼颼

水邊菊應 花頂王教

纖蕊半垂露浥金一枝開傍水之濱慵迎處士蘿邊賞

來伴羈臣澤畔吟碎影在流魚欲唼餘香沿岸蝶遙尋
莫教漫上漁娃歸獻與君王悅道心司空表聖詠露
尼新香悅道心

送大觀士廣歸興州三首

錄

山水境奇何足賞葷鱸味美不須嘗此行第一開心事
滿地秋風糴糴香

題雪堂老人畫竹二首

以下四首並應

清風千古在閒窯縱是知音不要多脫使人皆王大輩
輿塵滿地奈君何

天寒翠袖帶啼痕只稱山家與水林不學豐臺紅芍藥
千金荷色入朱門

殘菊

一離秋色已闌殘未許落英充夕餐此際深泥自收養
從他粃作過時看

夜聞落葉

鰥鷄羈緒對殘釭筭榮誠來落耳雙幾處衝霜移宿鳥
孤村吠月有驚尨五更聲亂譙門鼓一陣寒敲破寺窓
拈起秋風吹渭句教人漫憶賈長江

四君子圖贊八首

晦蹤幽谷深叢不許人趨下風忽引一株芳氣誰居鼻
觀圓通

準擬滋之九畹恐他鵝鳩先鳴不如譜上冰索彈動今
心古情

君不來君不來湘雲湘水千古無情最是鈎輶叫斷枝
枝淚雨

笑風泣雨立雪誰似吾瀟灑侯一代傳神老可三生知
已王猷

門逕雖然寂寞遺芳猶自成區嶠來切莫看錯不是劉
家寄奴

採採浮極泛觴秋來醉欲千場猶留一半金屑供了渾
家枕囊

臘破風頭較暄梅花已返香魂空山萬樹千樹流水前
村後村

生涯只此丘壑風格自高古今巢許夷齊一葦冰霜水
月同心

雪湖君寓齋詠盆種山茶花

晨培夕溉費多功能耐霜簷栗烈風宛似養雖成大鶴
寒葩初吐頂微紅

龍池硯者余舊藏也今為雪湖君有一日過其
齋君見出示目賦絕句

辭沼依然墨氣新摩抄重對舊家珍公能大度非蘿子

不使襄陽罵忍人

十月念二日重遊不忍池

記曾涼飲各連蒲無復尊前萬朵紅飛鶯數聲寒漠漠
墨香籛盪一陂風

木侯子仁犬冢子訨諸子邀大窪天民及余泛
舟於墨田川時余與天民並著華頂王所賜
道帽第五回故及

詩酒來同汗漫遊好隨流水送悠悠川霞成綺開殘景
霜葉留丹展暮秋絕代風華雙道帽浮生心跡一虛舟
百年未肯全無事愧爾忘機海上鷗

星齋集卷十

偶書

君其不飲奈君何
湖月林風金卷荷四十頭
顧可知耳
況君添得六年多

江戶竹內鵬九萬

門人信濃高津濤瀾卿

較訂

星齋丙集卷十

